

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- उपराज्यपाल मनोज सिन्हा होरें विकसित भारत युवा कनेक्ट प्रोग्राम गी संबोधित कीता ते आखेआ जे युवा जम्मू-कश्मीर दा उज्जवल भक्खि बनाई सकदा ऐ, शांति ते समृद्धि गी यकीनी करी सकदा ऐ।
- 3 जुलाई थमां शुरू होई दी श्री अमरनाथ जातरा च अजें तगर 3 लक्ख 50 जहार श्रद्धालु दर्शन करी चुके दे न। छड़ी मुकारक विशेष पूजा लेई श्रीनगर दे शंकराचार्य मंदर च पुज्जी गेई ऐ।
- मुखमंत्रि उमर अब्दुल्ला होरें मशीन कन्नै बने दे कालीनं गी कश्मीर च बने दे कालीने दे नांs उप्पर बेचने उप्पर ढूंगी चैंता जाहिर कीती ते नकली कालीन बनाने आहलें खलाफ कारवाई करने दा हुक्म जारी कीता।
- जम्मू-कश्मीर दे सोपोर च आतंकवादियें गी आसरा देने लेई इस्तेमाल कीती गेदी संपत्ति गी पुलस नै जब्त कीता।
- जम्मू-कश्मीर दी बिलावर थाहर पैहली बारी बूहटे लाने दा अभियान शुरू कीता गेआ।

<><><><><><>

LG-Yuva

उपराज्यपाल मनोज सिन्हा होरें आखेआ ऐ जे युवा जम्मू-कश्मीर दा उज्जवल भविष्य बनाई सकदा ऐ ते जम्मू-कश्मीर च शांति ते समृद्धि गी यकीनी करी सकदा ऐ। एल.जी होरें एह गल्ल इस्लामिक यूनिवर्सिटी ऑफ साइंस एण्ड टेक्नालजी, अवंतीपोरा च विकसित भारत युवा कनेक्ट प्रोग्राम गी संबोधित करदे होई आकखी। इस मौके पर बोलदे होई एल.जी होरें आखेआ जे युवा कनेक्ट युवाएं दी भागीदारी लेई इक परिवर्तनकारी मंच ऐ जेदा मकसद युवाएं ते नीतिनिर्माताएं बशकार बित्थ गी पूरना ऐ ते कन्नै गै युवाएं गी राष्ट्र निर्माण च सक्रिय हितधारक बनाने लेई सशक्त बनाना ऐ। उपराज्यपाल होरें जम्मू-कश्मीर दे युवाएं गी भारत दी विकास जातरा दी अगुवाई करने दे राष्ट्र दी चुनौतियों दा नमैं सिरेआ हल देने लेई प्रोत्साहित कीता। उनें इस मौके पर बोलदे होई आखेआ।

<><><><><><>

Amarnath-Yatra

सालाना श्री अमरनाथ जी दी जातरा रमानदारी आहले ढंग्गै सिर जारी ऐ। कल 9 ज्हार 482 श्रद्धालुएं पवितर गुफा च मत्था टेकेआ। 3 जुलाई थमां शुरू होई दी श्री अमरनाथ जी दी जातरा च अजें तगर 3 लक्ख 52 ज्हार श्रद्धालु पवितर गुफा च मत्था टेकिए शिवें दे हिमलिंगम रूप दे दर्शन करी चुके दे न। जातरा लेई सारे इंतजाम कीते गेदे न। पवितर छड़ी मुबारक कल श्रीनगर दे शंकराचार्य मंदर पुज्जी। एह छड़ी शारिका भवानी मंदर अज्ज जाग। फी तौले गै छड़ी मुबारक गी पविता गुफा आहली थाहर लेता जाग।

पवित्र गुफा च छड़ी पुजजने मगरा पूजा-अर्चना परैंत इस बरे दी सलाना जातरा सम्पन्न होई जाग। तोआई, जममू दे भगवती नगर आहले आधार शिविर थमां 2 जहार 896 श्रद्धालुएं दा जत्था 117 गड्डिएं दे काफले च अज्ज बड्डलै जातरा आसतै घाटी लेई रवाना होआ। श्री अमरनाथ जी दी जातरा लेई रवाना होए दे इस जत्थे च 2 जहार 505 मर्द, 314 महिलां, 1 बच्चचा, 60 साधु ते 16 साध्वियां शामिल हियां। इन्दे चा 790 श्रद्धालु बालटाल लेई ते 2 जहार 106 श्रद्धालु पहलगाम लेई रवाना होए जिथुआं ओह् अपनी पवित्र गुफा लेई अपनी जातरा शुरू करडन।

9 विदेशी श्रद्धालु जेड़े 9 मुख्यें थमां आए दे हे, उनें बी बाबा बर्फानी दे दर्शन कीते। इन्हें श्रद्धालुएं च अमरीका ते जर्मनी दे श्रद्धालु हे जिन्हें बालटाल आहले रस्ते राएं अपनी जातरा कीती।

<><><><><><>

CM-Fake Carpets

मुख्यमंत्री उमर अब्दुल्ला होरें मशीन कन्नै तैयार कालीन गी हत्थें कन्नै तैयार कश्मीरी कालीन दस्सियै बेचे जाने पर चिंता जाहिर करदे होई उद्योग ते बपार मैहकमें गी हिदायत दिती ऐ जे ओह् नेह् लोकें खिलाफ सख्त कार्रवाई यकीनी बनान। एह् उत्पाद हत्थ कन्नै बने दे कश्मीरी कालीन दे तौर पर बेचे जा'रदे न। मुख्यमंत्री उमर अब्दुल्ला होरें आखेआ जे एह् झूठे उत्पाद दुनिया भरै च अपनी कारीगरी लेई मशहूर कश्मीरी कालीन दी छवि गी खराब करडन ते एहदे कन्नै इस कम्म कन्नै जुड़े दे दस्तकारें ते कारीगरें गी बी नुकसान पुज्जोग।

इस कम्मै कन्नै जुड़े दे लोके दी आजीविका गी बी जोफ पुज्जोग। केई सारे सरबन्धी संगठनें इस बिक्री पर पाबंदी लाने दी मंग कीती ऐ।

<><><><><><>

Dar-Buyer Seller Meet

राई-बाई दी पैदावार सरबन्धी मंत्री जावेद अहमद डार होरे श्रीनगर च बागवानी योजना ते बजार सरबन्धी मैहकमे आसेआ आयोजित बिक्रेता ते खरीददार सरबन्धी कार्यक्रम दा उद्घाटन कीता। एहदा मकसद करसाने गी बजारे कन्नै सिद्धे तौरा पर जोड़ना ऐ। इस मौके पर मंत्री होरे इस क्षेत्र कन्नै जुड़े दे कारोबार गी बढ़ावा देने, बजारे तगर राबते गी मजबूत करने ते कृषि आधारित स्टार्ट अप कायम करने पर बल दिता। करसाने दिए चिंताएं बारे बोलदे होई उने भरोसा दोआया जे मता झाड़ देने, उत्पादे आहली किस्में ते मदर नर्सरिंग गी होर बेहतर कीता जाग। इस मौके पर बोलदे होई मंत्री होरे आखेआ।

<><><><><><>

Sopore-Property Attached

सोपोर पुलस नै बारामूला जिले दे रेबन इलाके च गैर कन्नूनी गतिविधिं दी रोकथाम सरबन्धी कन्नू तैहत इक रिहायशी संपत्ति गी अटैच करी दिता ऐ। एहदा इस्तेमाल आतंकवादिएं गी पनाह देने ते उनेगी मदद उपलब्ध करोआने दे मकसद कन्नै कीता जंदा हा। सोशल मीडिया दी इक पोस्ट च सोपोर पुलस नै इस कार्रवाई बारे जानकारी दिती।

पुलस नै दस्सेआ जे एह थाहर आतंकवादिएं गी असारमा देने, होर दुई मदद उपलब्ध करोआने ते राश्ट्र विरोधी गतिविधियां चलाने लेई इस्तेमाल हुंदी ही। एहदे च आखेआ गेआ ऐ जे कोई बी कार्रवाई जेड़ी गैर कन्नी गतिविधिएं गी बढ़ावा देऐ ते आतंकवादिएं गी मदद देऐ, ऐसी कुसै बी हरकत गी बखशेया नेई जाग। एह गैंs आतंकवाद पर नकेल कसने ते खिते च शांति बहाली लेई पुट्टी गेई ऐ।

<><><><><><>

Satish-Redressal

मंत्री सतीश शर्मा होरें जम्मू-कश्मीर च उपभोक्ता अधिकारें बारै जागरूकता बधाने लेई State consumer disputes redressal commission कन्नै इक बैठक दी अध्यक्षता कीती। उनें स्कूलें, युवा क्लबें, डिजिटल प्लेटफार्म्स ते मासिक आई.ई.सी अभियानें राएं समुदाय आसेआ चलाए जाने आहले आउटरीच उप्पर जोर दिता। इस दरान उपभोक्ता क्लबें ते रियलटाइम शकैत निवारण प्रणाली गी सक्रिय करने पर बी जोर दिता गेआ। आयोग नै ग्रामीण आउटरीच ते शिकायतें कन्नै निब्वड़ने लेई चुनौतियें उप्पर लो पाई। मंत्री होरें हर नागरिक गी उपभोक्ता दे तौरा उप्पर उन्दे अधिकारें ते जिम्मेदारियें बारै जागरूकता कन्नै सशक्त बनाने लेई सरकार दी प्रतिबद्धता गी दोबारा पुष्टि करदे होई जिला ते ब्लॉक स्तर दे कार्रक्रमें, डिजिटल उपकरणें ते लोकें दी भागीदारी दा आहवान कीता।

<><><><><><>

Tea Plantation Drive

जम्मू-कश्मीर च पैहली बारी कठुआ दे राई-बाई मैहकमे आसेआ बिलावर च पैहली बारी चाय दे बूहटे लाने दा अभियान शुरू कीता गेआ ऐ जेदे च 20 जहार शा मते बूहटे लाए गे न। इस कार्यक्रम दा उद्घाटन विधायक सतीश शर्मा आसेआ कीता गेआ। उनें इस गेंs लेई राई-बाई मैहकमे दे जत्नें दी सराहना कीती। अधिकारियें, युवाएं ते करसानें गी इस च शामिल होने लेई आखेआ। एह अभियान “एक पेड़ मां के नाम 2.0” ते समग्र कृषि विकास कार्यक्रम कन्नै मेल खंदा ऐ।

<><><><><><>

Ramban-JKCIP

रामबन च राई-बाई मैहकमा JKCIP योजना गी सक्रिय रूपै कन्नै लागू करा'रदा ऐ जेदा मकसद राई-बाई ते सरबंधत क्षेत्रें कन्नै जुड़े दे लोकें दी भलाई बेहतरी गी बढ़ावा देना ऐ। एहदे च बासमती, केसर, काला जीरा ते पहाड़ी थोम जनेही उच्ची कीमत आहली फसलें उप्पर ध्यान दिता गेआ ऐ जिंदे च निर्यात समे उत्पादन, मूल्य जोड़ने ते बजार तगर पुज्ज बनाने च बाददा करने दे हीलें दी कोशश कीती गई ऐ। एह पहलकदमी पूरे क्षेत्र च निक्के करसानें लेई आर्थिक ते समग्र राई-बाई उत्पादकता च सुधार करने दी कोशश करा'रदी ऐ। इस बारे होर जानकारी दिंदे होई एरिया मार्केटिंग अधिकारी रामबन तेहसिन इकबाल चिब होरें आखेआ।

<><><><><><>